

اداره خانه

باب عالی جاده سنده دائرة مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۳۵) غروشدرد. ممالك اجنبیه ده
سنه لکی (۱۷)، آلی آیلغی (۹) فراتقدر.
[ایضاحات: نسخہ سی الی پاره، آلی
آیلغی بر جلد، هر جلد ۲۶ نسخہ در.]

اخطارات

§ آبونه بدلی پیشیندر.
§ آدرس تبدیلنده قرق پاره لک
پول کوندولمی در.
§ مسالک موافق آثار مع المنونیه
قبول اولنور. درج ایدیلیمه یازیلر
احاده اولونماز.

الکشاف

۱۳۳۰ ۱۰ ۶

اخطارات

رساله مردن آلدنی کوستر ملک شرطیه
بتون یازیلر ه هانکی بر غزنه طرفندن
اقتباس اولونه ییلر.

§

مکتوبلرک، امضالرک واضح و اوقوناقلی
اولمی و آبونه صره نومروسی محتوی
بولومسی؛

§

ممالك اجنبیه ایچون آبونه اولانلرک
آدرس لرینک فرانسزجه سی ده یازلسی؛

§

پاره کوندولدیکی زمان نه ده دائر اولدیغناک
واضعا ییلدرلمسی رجا اولنور.

جلد ۱۰

۱۶ جاذی الاخره ۱۳۳۱ بحشبه ۹ مایس ۱۳۲۹

عدد ۲۵۵

نفسیه شریف

بِسْمِ اللَّهِ الرَّحْمَنِ الرَّحِيمِ

وَإِذَا قِيلَ لَهُمْ لَا تُفْسِدُوا فِي الْأَرْضِ قَالُوا إِنَّمَا نَحْنُ
مُصْلِحُونَ. أَلَا إِنَّهُمْ هُمُ الْمُفْسِدُونَ وَلَكِنْ لَا يَشْعُرُونَ

«اونلره:» «یر یوزنده فساد چیقارمایک» دینلدیکی زمان؛
«بز اصلاحدن باشقه برشی یامیورز» دیرلر. کوزیکی آج،
ای بیلکه: اونلر یوقی، ایشته اصل مفسدا ونلدر؛ لکن
فرقنده دکالر.

بر یغین قونداقجیدن یاغین کورنلر ملتی،
شیمدی اینش ظن ایدر مطلق شو مدهش آتی!
ای وطنسز دربدرلر، ای دنی قونداقجیلر!
ملک، آز جوق، طوران بر دینی، بر ناموسی وار.
شیمدی نوبت اونلرک.. یانسن ده اونلر، اولدی می؟
تارمار اولسون بوتون بر مسلمانلق عالمی!
ای، حیا نامنده بر حسک وجودندن بیله
یک خبردار اولمایان، یوزسز، حیا سزا باق هله!
آرقه سندن تا قلاق آتدک اک دنی بر شهرتک؛
دوشدی تاقیهک، چیقدی جاس جاولاق اوکل ماهیتک!
بر کلاه قایمقسه شاید بونجه حرصک غایه سی؛
کندی ناموسک اولور ایرکچ اونک سرمایه سی.
یوقسه، ناموسیله، وجدانیله خلقک اویناما..
صوکره قات قات ناصیه کدن صارقه جق بر چوق یاما!
بر قیزارماز چهره بولمشسک یا، ای جانی، بورون؛
هم بوتون دنیایی افساد ایله، هم مصالح کورون!
کندی عرضکدن جو مرد اولمقسه معتادک اگر؛
کندی مالکدر سنک، حقک تصرف، کیم نه دیر؟
ملک، لکن، هنوز معصوم اولان اولادینه
یرمه بر ملعون تمایل مبتدل معتادیکه!
بزکه هر موجودی بیقدق غایه سز بر فکر ایله؛
بیقماقدق برشی بر اقدق.. ساده برشی: عائله.

هانکی بر بنیانی محو ایتدکده اصلاح ایلتک؟
ایشته ویران مملکت! هر یر ده لیک، هر یر ده شیک!
بونلرک تعمیری قابل.. اولسه جدیت، ثبات؛
لکن، الله ایتسین، بر دوشسه شاید عائلات،
اک قوی قوللرله حتی قالدقماز امکائی یوق.
کیمکه قالدقار دیر، اونک حیوان قدر اذغانی یوق!
«عائلی بر انقلاب اولسون!» دیین مایوس اولور؛
باشقه هیچ بر شی قازانماز ساده بر... اولور!
چونکه چیلاق انقلاباتک رذالتدر صوکی..
ای دنی قونداقجیلر، بز سزده جوق کوردک اونی!
برده خلقک دینی وار صیق صیق تعرضلر کورن.
حاله باق: ملتده حسیاتی اویمش اولدورن!
دینی قربان ایتلمیش ملک قورتارمق ایچین!..
طوتده، هی سرسم، بو ادرا ککله سن عالم یکین!
هر جماعتدن بش اون دینسز ظهور ایلر؛ بو حال
یک طبعیدر. فقط الحادی بر قومک محال.
هانکی ملتدرکه افرادنده یوقدر حس دین؟
اک بیوک اقوامه بر باق: دینی هرشیدن متین.
دوشمه ای آواره ملت، بونلرک خذلانه.
واققر بز هپسینک یک مختصر عرفانه:
شرقه باقماز، غربی بیلمز، کور کوردن یوق وایه سی؛
بر قیزارماز یوز، یاشارماز کوز بوتون سرمایه سی!

محمد عاکف